

CUARTO.- que se proceda á publicación no Diario Oficial de Galicia, no Boletín Oficial da Provincia e na paxina web do Concello de Lugo desta resolución con indicación de que esta pon fin á vía administrativa, e contra ela poden interpoñer os seguintes recursos:

Contencioso administrativo ante o Xulgado do Contencioso Administrativo de Lugo (artigo 8 da Lei 29/1998 do 13 de xullo) nun prazo de DOUS MESES, contados a partir do día seguinte ó da notificación deste acto, o cal pon fin a vía administrativa (artigo 46 da Lei 29/1998, do 13 de xullo).

Non obstante o anterior, e con carácter previo a esta resolución poderase interpoñer:

O recurso potestativo de reposición previsto no artigo 116 da Lei 39/1991, do 26 de novembro, ante a Alcaldía e no prazo de UN MES, contado dende o día seguinte ó da notificación deste acto.

Sen prexuízo de que o interesado poida interpoñer calquera outro recurso ou reclamación que estime conveniente ó seu dereito.

Así mesmo, déaselles traslado ás dependencias e ós servizos municipais afectados.

Cúmprase.

O que se fai público para xeral coñecemento, a fin de que **as persoas interesadas poidan presentar as solicitudes que estimen oportunas, no prazo de UN MES** contados a partir do día seguinte ó da publicación destas Bases no Diario Oficial de Galicia. Estas tamen se publicarán no Taboleiro de Anuncios e na páxina web do Concello de Lugo; se ben a publicación no DOG será a data a ter en conta aos efectos de presentación de solicitudes.

R. 2728

Anuncio

Por medio do presente faise público que a Tenenta de Alcaldía Delegada da área de Economía, Emprendemento, Autónomos e Educación mediante Decreto da Alcaldía número 14006582 do día 04 de xullo de dous mil catorce **RESOLVEU:**

PRIMEIRO: Que se proceda á convocatoria para o exercicio 2014 das axudas económicas individuais para axuda de gastos por aloxamentos, desprazamentos a competicións e reforzo académico para as persoas con talento deportivo de conformidade coas bases establecidas no presente procedemento de concorrencia competitiva.

SEGUNDO: Aprobar o gasto de **24.000 euros** a que ascende o importe total destas subvencións con cargo á aplicación 34100.48900 do presuposto municipal vixente.

TERCEIRO: A presente convocatoria rexerase polo establecido nas seguintes

BASES REGULADORAS DA CONVOCATORIA PARA A CONCESIÓN DE AXUDAS ECONÓMICAS INDIVIDUAIS PARA O EXERCICIO 2014 PARA PERSOAS CON TALENTO DEPORTIVO

Primeira.- Obxecto da convocatoria

Esta convocatoria ten por obxecto regular para o exercicio 2014 a concesión de axudas económicas individuais para deportistas con talento que ao longo do ano anterior á publicación destas bases destacaran pola súa participación en eventos deportivos con resultados relevantes, tanto a nivel autonómico ou nacional, co fin de apoiar a práctica e mellora do rendemento deportivo nas respectivas modalidades, así como os gastos derivados do necesario reforzo académico.

Segunda.- Contía e crédito orzamentario

Esta convocatoria conta con crédito orzamentario de 24.000 euros, na aplicación 34100.48900.

Terceira.- Requisitos das persoas solicitantes

1.- Ser deportista afeccionado/a, nados entre 1995 e 2000 inclusive (exceptuando deportistas con discapacidade para os/as que non haberá límite de idade).

2.- Estar federado/a no período para o que se solicita a axuda, dentro da modalidade que practique, nun club do Concello de Lugo.

3.- Estar empadroad/a no Concello de Lugo ao longo do ano anterior á publicación destas bases.

4.- Ter acreditados resultados deportivos para valorar, referidos ao ano anterior da publicación destas bases.

5.- Estar ao corrente nas obrigas tributarias coa facenda estatal, autonómica e local, así como estar ao corrente das obrigas coa Seguridade Social.

6.- Non estar incurso/a en prohibición para obter a condición de beneficiario/a das subvencións de conformidade co artigo 13 da Lei 38/2003, do 17 de novembro, xeral de subvencións.

Cuarta.- Criterios de valoración

Os criterios de valoración en función dos gastos subvencionables serán os seguintes:

- 1.- Clasificado/a entre os tres primeiros/as en campionato de España(ata 6 puntos)
- 2.- Clasificado/a como finalista en campionato de España (ata 3 puntos)
- 3.- Clasificado/a entre os tres primeiros en campionato galego (ata 3 puntos)
- 4.- Calquera dos anteriores sendo ademais deportista feminina (0,5 puntos)
- 5.- Calquera dos anteriores sendo ademais discapacitado/a (0,5 puntos)
- 6.- Superación do curso académico (ata 0,5 puntos)

Nos criterios de valoración cos números: un, dous e tres, só se puntuará no de maior categoría, e só se terá en conta o mellor resultado acadado en probas individuais.

Unha vez valoradas todas as solicitudes, o valor do punto será o resultante de dividir o total do crédito orzamentario de que dispoñemos para esta convocatoria (24.000€) entre a suma total dos puntos acadados por todos os deportista.

Quinta.- Forma e prazo de presentación de solicitudes

1.- As solicitudes (segundo modelo oficial segundo ANEXO 1-D), presentaranse no Rexistro Xeral do Concello de Lugo ou ben utilizando os medios establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de UN MES, contado a partir do día seguinte ao da publicación destas bases no Diario Oficial de Galicia, con independencia de que estas bases tamén serán publicadas no Boletín Oficial da Provincia, no Taboleiro de Anuncios do Concello e na páxina web do Concello de Lugo, e acompañaranse de documentos e informacións que se sinalan no apartado 2º deste artigo, agás que xa estivesen en poder do Concello, facendo constar neste caso a data e dependencia ou órgano ante o que se presentaron, e non poderán ter transcorridos máis de cinco anos dende a finalización do procedemento ao que correspondan.

2.- A persoa interesada deberá acompañar á solicitude a seguinte documentación:

a.- Fotocopia do DNI da persoa solicitante ou, se é o caso, representante legal

b.- Certificado da Federación indicando o club polo que ten ficha e o currículo deportivo do ano anterior á publicación destas bases, indicando, como mínimo, todas as competicións nas que participou e os postos acadados, así como se é deportista con discapacidade e compite nesta modalidade.

c.- Declaración xurada da existencia ou non doutras axudas solicitadas ou concedidas por outras administracións. No caso de existir, indicárase a entidade, contía e finalidade delas. (ANEXO II-D)

d.- Acreditación da superación do curso académico.

e.- Declaración responsable de non atoparse inhabilitado/a ou estar incurso/a en prohibición para acceder á condición de beneficiario/a de subvencións do Concello de Lugo, de conformidade co establecido no artigo 13 da Lei 38/2003, xeral de subvencións. (ANEXO II-D)

f.- Declaración responsable de atoparse ao corrente no cumprimento das súas obrigas tributarias, incluíndo as municipais e fronte á Seguridade Social (ANEXO II-D)

g.- Certificado bancario do número de conta da persoa beneficiaria

Presentadas as solicitudes e se do exame da solicitude e documentación aportada se deducise que esta está incompleta ou defectuosa, dende a unidade administrativa xestora requiriráselle á persoa interesada para que, no prazo de dez días, achegue os documentos preceptivos ou emende a falla, con indicación de que se así non o fixese se lle terá por desistida a súa petición, tras resolución ao respecto.

Sexta.- Instrución do procedemento

O procedemento para a concesión das subvencións previstas nestas bases axustarase ao establecido nos artigos 28, 29 e 30 da Ordenanza municipal de subvencións coas seguintes precisións:

Unha vez que a documentación estea completa, o órgano instrutor, un/unha técnico/a competente do Servizo Municipal de Deportes, emitirá un informe proposta acerca do cumprimento ou non dos requisitos establecidos nesta convocatoria.

A Comisión de Valoración, constituída para o efecto, terá a seguinte composición:

- **Presidente:** o Concelleiro de Deportes
- **Vogais:** un/unha funcionario/a ou persoal laboral do Servizo de Deportes que se designen para estes efectos.
- **Secretario/a:** un/unha técnico/a municipal do Servizo de Deportes designado/a para o efecto.

Sétima.- Órgano competente para resolver e prazo de resolución

A concesión ou denegación da axuda solicitada será adoptada por resolución do Tenente de Alcalde Delegado da Área de Deportes, de conformidade co establecido na Base número 24 das Bases de execución do Orzamento municipal.

O prazo máximo para resolver e notificar a resolución do procedemento será de seis meses, contados a partir do día seguinte ao do remate do prazo para presentación de instancias. Transcorrido o dito prazo sen que se adopte resolución expresa, poderase entender desestimada. A resolución porá fin á vía administrativa, e contra ela, os/as interesados/as, poderán interpoñer recurso de reposición ante o mesmo órgano ou ben, alternativamente, recurso contencioso-administrativo ante o Xulgado Contencioso-Administrativo de Lugo.

A aceptación da subvención concedida entenderase efectuada se no prazo de quince días hábiles contados a partir do seguinte hábil ao da notificación non renunciase a ela expresamente mediante escrito dirixido ao órgano concedente.

Oitava.- Gastos subvencionables e prazo de realización

Os gastos que se poden xustificar coa subvención concedida serán os correspondentes a: desprazamentos, aloxamentos, material deportivo, vestiario, gastos médicos, reforzo académico especificando a natureza e a súa contía e aqueles derivados da práctica deportiva á que se dedique o/a deportista.

O período de realización dos gastos será o ano do exercicio ao que corresponde a convocatoria (2014).

Novena.- Forma e prazo de xustificación. Pagamento:

1.- Para proceder ao pagamento da subvención, a persoa beneficiaria deberá xustificar a aplicación da axuda mediante a presentación da seguinte documentación:

a) Memoria da adopción do comportamento (modelo do ANEXO III-D).

b) Facturas e demais documentos de valor probatorio de conformidade coas bases de execución do presuposto, e R. d. 1496/2003, do 28 de novembro, do Ministerio de Economía e Facenda, que se presentarán en documento orixinal, coa acreditación do pago mediante transferencia con xustificación da entidade bancaria cando se trate de gastos superiores a 300 €.

Deberá presentar, así mesmo, declaración xurada de que as facturas non foron nin serán presentadas como xustificación doutra subvención pública ou privada (segundo o modelo no ANEXO III-D)

c) Declaración xurada das subvencións ou axudas obtidas doutras administracións públicas ou entidades públicas ou privadas, nacionais ou estranxeiras, para a mesma finalidade (segundo modelo no ANEXO III-D)

d) Declaración xurada de que a realización da actividade, proxecto, obxectivo, programa ou a adopción do comportamento se efectuou nos termos establecidos na memoria presentada (segundo modelo do ANEXO III-D)

e) Declaración xurada de atoparse ao corrente no cumprimento das súas obrigas tributarias fronte á: Axencia Estatal da Administración Tributaria, Tesourería Xeral da Seguridade Social e ao Concello de Lugo, respectivamente (ANEXO III-D)

f) Declaración xurada de que todos os gastos presentados como xustificación se aboaron efectivamente. (ANEXO III-D).

g) Declaración xurada de que os impostos indirectos devindicados (IVE) non teñen a condición de recuperabilidade ou compensatoriedade. (ANEXO III-D)

2.- Os documentos presentados deberán ser validados e selados polo servizo municipal xestor do expediente administrativo cun selo existente para o efecto, no que conste que a factura ou documento se aplica, na porcentaxe que corresponda en cada caso, á xustificación da subvención ou convenio concreto. Os documentos serán orixinais, e se se presentasen fotocopias deberán ser compulsadas polo servizo xestor, de conformidade co que se estableza nas bases de execución do presuposto.

3.- A xustificación realizarase en todo caso antes do 30 de decembro de 2014. No caso de non presentar a xustificación dentro deste prazo, incoarase expediente de anulación do correspondente compromiso que implicará a perda do dereito de cobro da subvención

4.- Non se admite o pagamento anticipado nin pagos parciais.

Décima.- Compatibilidade

As subvencións que se outorguen ao abeiro deste convocatoria serán **compatibles** con outras para o mesmo fin sen que en ningún caso o importe total subvencionado poida superar o custo total da actividade. No caso de existir sobrefinanciamento a persoa beneficiaria deberá proceder ao reintegro da contía concedida polo Concello de Lugo na cantidade que exceda do custo da actividade.

CUARTO: que se proceda á publicación no Diario Oficial de Galicia, no Boletín Oficial da Provincia, no Taboleiro de Anuncios do Concello e na paxina web do Concello de Lugo desta resolución con indicación de que esta pon fin á vía administrativa, e de que contra ela poden interpoñer os seguintes recursos:

Recurso contencioso-administrativo ante o Xulgado do Contencioso-Administrativo de Lugo (artigo 8 da Lei 29/1998 do 13 de xullo) nun prazo de DOUS MESES, contados a partir do día seguinte ao da notificación deste acto, o cal pon fin á vía administrativa (artigo 46 da Lei 29/1998, do 13 de xullo).

Non obstante o anterior, e con carácter previo a esta resolución, poderase interpoñer recurso potestativo de reposición previsto no artigo 116 da Lei 30/1992, do 26 de novembro, ante a Alcaldía e no prazo de UN MES, contado dende o día seguinte ao da notificación deste acto.

Cúmprase

O que se fai público para xeral coñecemento, a fin de que **os interesados poidan presenta-las solicitudes que estimen oportunas, no prazo de UN MES** contado a partir do día seguinte ó da publicación do correspondente anuncio no Diario Oficial de Galicia (DOGA), independentemente da data na que saia publicado o presente anuncio no Boletín Oficial da Provincia de Lugo (BOP). Estas tamén se insertarán no taboleiro de anuncios do Concello e na páxina Web do Concello de Lugo.

En Lugo a 09 de xullo de 2014.- O TENENTE DE ALCALDE DELEGADO DA ÁREA DE DEPORTES, José Manuel Díaz Grandío